

## Lutino weng romo pwonye

### Dul me 22: Glades ki Francis

**Acakki:** Itye kawinyo dul lwod wa me lutino weng romo pwonye. Lwod man jo ma kelo bot wu aye Backup Uganda kacel ki Brainstud. Itwero winyo pwonye wani ki iwii yamo me internet ma tye iwang website wa ma ki lwongo ni [www.backupuganda.org](http://www.backupuganda.org). Ka itye kawinyo wa ki Gulu, iromo gamo pwonye man macalo dwon ma ki mako ki i Mega fm, Radio Rupiny, Radio Maria onyo i Divine Video and Music Library matye idi town kany. luaheadi ma a ki i gang kwan me district weng romo gamo pwonye ni ki i office pa DEO onyo District Education Office ki bene luaheadi ma a ki igang kwan me city council, romo gamo meg gi ki i office pa CEO onyo City Education Office ki bene igangi kwan magi: Highland Primary School matye iyi obiya iyo Kitgum, Gulu Prison Primary School iyoo Lacor ma opime ki ot lega Holy Cross, Gulu Town Primary School matye iyoo Gulu University, Mary Immaculate Primary School ingee gang lega madit pa katoli ma ki lwongo ni cathedral ma tye iyi For God, St. Joseph's Primary School onyo Christ the King Demonstration Primary School ingee gang kwan Sacred Heart. Kacer imaro ngec ma ipwonye wani, bedagonya me nywakone ki lupaconi, luremi, ki jirani ni bene.ka dano madwong gu winyo pwonye ikom kit peki ma lutino nongo ikwan, ci waromo konyo lutino wa maber loyo.

**Glades:** Ajolo wu I dul lwod wa me pyeraryo wia aryo me lutino weny romo pwonye, an laloki nyiang Lanyero Glades, atiyo I dul ma ki lwongo ni Backup Uganda. Tin odojo iwa yom me bedo ki welo ma en obi tuci wa nyinge, ki bene ngo onyo nga ma en obedo apwoyo matek.

**Francis:** Apwoyo tutwal Glades, an nyiang Francis Okello Oloya, atye won kom me Amuru Disabled Person's Union, atye ki ngolo me wang, ki dong bene an atye ki ngec calo psychologist. Meno kit ma an akwano kwede. Apwoyo.

**Glades:** Apwoyo matek Francis, angeyo dano mukene obi waci psychologist ne obedo gina ngo? Eni pol kare kwan ma neno adam wi dano ka dong awaci agony ki leb acoli ma nok nok. Apwoyo matek I nyute eno ni Francis bene amiti kong I kony wa iwaci wa kom tic ma in

itimo ma calo chairperson Amuru disabled union ni ki bene tici ma in itimo jwi ni nen nining, apwoyo matek.

**Francis:** Apwoyo tutwal, Amuru disabled persons union tye dul pa lu ngolo ma koko lu ngolo ducu ma tye I Amuru district, wa neno kwo gi kit ma tye kwede ki dong lu ngolo eni weny tye lu memba ma megwa. Kaw a neno I sub-county bene rwom me tela pa lu ngolo gin tye lu memba ma megwa, dong wan calo dul pa lu ngolo me Amuru district, wan wa tye lu memba pa NUDIPO man National Union of Disabled Persons of Uganda, wan tic wa tye ma tek me neni wa tiyo ki lu ngolo, wa pido pi twero gi kita calo gin tye ka kwo kwede dong nino ki nino ka wan wa tye ka tic I office nongo wan wa bino wa nongo lok ma pat pat ma gudu gum lu ngolo, I nongo ni lok gum twero pa lu ngolo nongo gin ma omyero wa lo iyee, cawa mukene lok ikum twero me ngom bene tye ikum jami ma wan wa neno lok iyee ma tek tutwal ki dong bene omyero wa nen lok ngom lutino ma tye ka kwo ki ngolo, gin mono tye ka nongo kony me pwonye kita mite kwede, ki dong mon bene ma tye ka kwo ki ngolo bene omyero wa nen lok ikum gi, ki dong ka ineno jami mukene tye lok ikum pwonye tye gin ma pire tek ma wan wa tye ka lweny pire. Dak bene wa neno lok ikum yoto kum, tutwale I nongo jo ma tye ka kwo ki ngolo me it, gin nongo can tutwal ka gin oceto iot yat wek gu nong kony me yat bedo twon peko pien ngati mo ma kubu dog gi ki jo ma neno lok ikum yoto kum I ot yat nongo peke. Ci eni tye I kin jami acel ma tek tutwal, kadi bed ku meno, wan wa kube ki ludiro ma gi kubu leb ki jo ma nongo gi pe ki kero me winyo lok ma ber wek gin gu neni ki miyo it gi kony ma opore. Ci nino ki nino wan nongo wa tye ki jami ma pol ma omyero wa ti iyee wek wa kony lu ngolo I district.

**Glades:** Apwoyo matek Francis I jami ma bejo bejo ma won wu tye ka timo ne ma calo Amuru disabled union, apwoyo dak odojo. Bene amiti kong ikony wa bene iwaci wa, en Amuru disabled union eni ni cwako kwan ma ribo dano labongo apokapoka ni nining, tutwale bot lutino ma tye ki ngolo ma in itye ka lok ikum gi ni. Apwoyo matek.

**Francis:** Dul man ma an awaci wu ni Amuru disabled persons union tye ka tic matek me neno ni kwan ma ribo dano ducu wek gu nongo pwonye owot maber wek lutino wa ma tye ka kwo ki ngolo bene gu nong pwonye ma romaroma, dong tic wa ma wa bedo ka timo ne, wa bedo ka wot tutwale igangi pwonye ma ki yero gi me neno ni kong ki cak te yub man eni me kelo

kwan ma ribo dano ducu owoti iyee. Gangi kwan ma romo apar wan wa bedo ka wot iyee me lok ka cel ki lunyondo, lupwonye kacel ki lutino bene ni gangi pwonye eni omyero obed twolo me jolo lutino ma tye ka kwo ki ngolo ma pat pat, bene wa yele me neni wa miyo book cik ma mako lok ikum lu ngolo, wa tye ki book cik ma ki lwongo ni persons with disability Act, man book ma neno ni pol kony ma omyero dano gu nongo calo kony me pwonye omyero pe ki bed iyee ki apokapoka, ki wek jo ma tye ka kwo ki ngolo gu bin gu nongo kony eno ni gu bin I gang kwan gu kwan kun nongo wa miyo lok ma tek bot lupwonye ni book ni eni ni omyero gin gu kwan wek gu neni lok me pwonye eni wu jolo lutino wa ma tye ka kwo ki ngolo. Man aye gin ma wan wa bedo ka timo ne, ki bene wa timo ka coke ma tino tino me nyiang ki bot lunyondo kacel ki lutino ma tye ka kwo ki ngolo kit ma omyero ki kony gi kwede, omyero lunyondo gu nge miri gi tye ka kwene, ngo omyero gi tim pi gi, weko bene ka Oo cawa me goyo lok me lim budget nongo bene gin gi kero olo too lim me konyo lutino man ma tye ka kwo ki ngolo I gang kwan.

**Glades:** Apwoyo matek Francis, apwoyo dak odojo ka nywako kwed wa lok eno ni ma kweko kum lutino onyo dano ma tye ki ngolo ma bene neno kum kwan ma ribo dano labongo apokapoka. Angeyo ni eni tye gi mo ma pire tek ma gamente kubedi tye ka kero ne macalo cik ni gangi kwan weny omyero gu jol lutino mapadipadi lutino pe kipokogi lutino matye ki ngolo weng bene omyero ki jol gi bene igang kwan, an apwoyo matek. Ikom jami ma in iwaco mi cwako kwan maribu dano labongo apokapoka onyo maribu lutino weng labonga apokapoka ni, kit kony angu ma wun omiyo onyo ma union miyo bot lutino ma tye ki ngolo ka iromo waci wa wiye wiye, Apwoyo matek.

**Francis:** Amuru disabled person's union kono tye ka tic matek Kara mukene wan wa yelle me leko kony kiwoko wek wa nongo jami maromo konyo lutino wa matye ka kwo ki ngolo. Watiyo bene ki luwot wa mukene matye ka tyelo lok me pwonye weki ka ki romo konyo ko wa wek wacwal lutino matye kakwo ki ngolo tutwale waneno lok man mi ginwot gin makonyo kor lutino matye ki ngolo wek guceti igang kwan ikine ungeyo lok man me wheelchair ma konyo joo ma pe twero wot, watye bene ki odo o makidiyo ite bad eni konyo jomano gi tye kipeko ikit mi wot bene ki dong white cane onyo bene maraya ma itwero tic kwede me neno piny watye bene ki jami ma ki keto i it jo ma nongo pe twero winyo lok maber. Magi jami ma wan wa tye ka yele pire wek wanong wami ki lutino matye kakwo ki

ngolo eni, dong kombedi ka awaci labol mukene ma wan watimo ki kony ma wa nongo ki bot NUDIPO bene. Wabedo ki kare me nongo wheelchair ma wamiyo bot latin acel ma en tye i Pokure village Lacor Parish ma latin eni oloto onongo wheelchair eni mi kony kidong wamiyo bene odoo ma kidiyo ite bad oweko anyaka acel makwano i Agwayugi bene tiyo kwede wek en iwot icet iot kwan ilonge kwede idi compound mi gang kwan kakenyu. Mukene dong wan wamiyo bene maraya me neno coc bot awobi acel matye i Parabongo, magi ayer jami ma watye kwede ite book ma megwa.

**Glades:** Apwoyo matek odojo daki Francis, ikom lok ma in inywako kwed wa ni ageno bene ni jami ma wun omiyo bot lutino matye ki ngolo ni tye ka mini gi kero wa ki miti me maro kwan ma eno ni bene tye macalo pwonye bot lunyodo ni pire bene tek ni owek lutino wu okato wek wu te gi bene ischool pe okan gi akana kit ma wun owinyo kwede welowa mi awora ma en tye chairperson Amuru Disable Union owacu kwede ni kony tye madwong ma gin gimiyu bot lutino matye ki ngolo mapadipadi, now amiti bene ikony wa wek waniange, Union onyo Amuru Disable Union ni cwako pwonye ma ribu dano labongo apokapoka nining ma leb munu wacu ni Inclusive learning, bedo nining? Wun utimo nining? An apwoyo matek.

**Francis:** Apwoyo tutwal Glades, Wan calo Amuru Disabled Person Union wa neno ni piretek ni wa wek dano gu nge ni pwonye man maribu dano ducu ni omyero owot anyim pieni kong ma acel calo an kikoma ma atiyo pi lungolo luwota ni omyero abed ki cwiny me neno ni, atiyo pi lungolo luwota maber wek bene gin gunong kony mupore pi gin ci weko jo mukene en magi pe ki ngolo ni wa cuku cwingi ni gubed ki tam kong ma acel omyero in ibed ki cwiny ni ka atye kayubu gin mokiken, ayubu kun no atye kaneno jo matye ki ngolo ni kadi bed in ipe ki ngolo icawa enoneni omyero iket enoni obedi iwi. Wan bene waneno ni en gangi kwan ma kicwalo iye yub eni mi lanyuti wa nenoni omyero gin gulub en lok man mi pwonye maribu dano ducu, Labole calo Lacor Primary school iye Amuru, Keyo, Pagak, Agwayugi, Oliya, Pupwonya, Pawel Langeta, Pawel Lalem ki Gira Gira gangi kwan eni wan wanenoni omyero wabed kawot iye kalimo gi wek wacuk cwiny lungodo karacel ki lupwonye omede anyim kimiyo lok man mi pwonye eni kuwot anyim.

**Glades:** Apwoyo matek, angeyo bene ni luwiny wa mukene obiwaco bene ni huh welowa mi awora dong tye katucu nying school madok tung Amuru Kiken wan Kudong? Now kita an

awacu kwede naka neni gamente tye ka neno ni pwonye eni maribu dano weng labongo apoka poka ni onyo lutino labongo Apokapoka ni tye Ka weng, tye igangi kwan weng pe dong tye igangi kwan ma Francis owacu ni keken ento omyero obedo igangi kwan weng ma bene lapwony acel acel omyero obed ki ngec me konyo lutino eni ka latin matye kawot kilela onyo wheelchair, ka latin matye kawot ki odo makiketo ibade ni, ka latin matye ki hearing aid onyo gin moni ma kiketo ite ma weko lok winye malongo ni, katye i class ma me gi an omyero atim ngo macalo Lapwony aweko kede alok kabedo ne anyim anyo alok kabedo kama en winyo maber nyo kama en niang maber. Ci an apwoyo matek welo wa mi awore pi tic mabecu becu ma wun utye ka timo ne mi neno ber bedo onyo ber kwan pa lutino wa matye ki ngolo. Now mi agikine amiti ikony luwiny wa onyo bene amiti ikonya bene wek aniang. Ngo ma in itamo ni lunyodo romo timo ne lupwonye ki lumi cik ngo ma in itamo ni gin gi romo timo ne wek gu kony lutino matye ki ngolo onyo dano matye ki ngolo. Apwoyo matek.

**Francis:** Gin ma pire tek ma omyero lanyondo otim ka itye ki latin makwo ki ngolo, ma acel omyero in inge jami ma latin eno ni mito wek okony en ilot me pwonye, omyero ilot ki latin eno ni ci in ingeyo jami ma en mito. Ka in ikonyo latin matye ki ngolo, weko en bicung pire kene, en bitimo jami mapol pien weko dok loyo kara manong latini omyero cawa weng in aye imine kony kare ki kare ma kede in iwoto isafari iceto ibedo kaparone ni man latinani tye nini, anga matye kagwokone, nongo ibedo ki par madwong. Ka latin mo tye ki ngolo okwano bedo ki kare bene me konyo wa luwote ma en kwo kwede gang ka kenyu. An anongo ni eni no tye gin ma piretek ma nongo lanyodo oketi. Ki dong bene lunyodo omyero gu onge ni ngolo man ma bino ni in pe ipenyu pire meno gin ma bino ikwo ni ci dong ka obino ma tye ikom latini in ijol itii ki latin enoni wek obed dano mabedo kakwo kun nongo cung pire kene. Dong pi jo ma neno lok kom cik, wan pol kare wa waco ni omyero gin gunen cik tye ma pol ma ki keto gi ma ka in ineno inongo ni bene cik ki keto ma cung ada pi dano ento jo maketo cik bene tye ma kin mukene pe gikwano en ciki wek kiket itic miyo bwur moni bedo tye man calo ka awaci person with diasbility act pol kare dano ngeyo ni ciki tye ento pe gi kwano wang ma nongo wang ma nongonwan ma watye kakwo ki ngolo ni wa cako lok ikom cik enoni wacako nyutu labol matye iyer kunu ka dano dong cako waco ni ada lok ada itye kawacu lok ada ci wan wa mi to ni kwayi kit cik eni kiwek dano kunge ma tut dok kutir kwede weko in iyubu gang kwan bedo maber kabedo matye igang kwan kakenyu bene itwero wot iyer, itiyu

manongo itye agonya en latin kwan nongo woto igang kwan matye agona maber adida. Ki dong bot lupwonye an amiti acuk cwiny lupwoye ni wun wutye lwongo ma lacwec olwongo wu ni wek wun obed lapwony. Ci dong ka in itye lapwony, in omyero iket cwinyi mineno ipwonyo lutino ducu, kadibed in ipwoyo lutino mukene magi pe ki ngoloni gukato peny ma in bene itye ka kwero ne matek nge ni latin acel matye ki ngoloni mu opoto peny ni dong obiweko kwe mamegi maitye kakwero ne ni lutino okato peny doko piny pieni en pe okato peny, ci pire tek ni omyero watir matek mi neno ni lutino matye kakwo ki ngolo bene gubed igang kwan gutir karacel ki luwotgi ci bene gukat peny, ci weko gum bedo tye ikit mano itye katic kede, kidong in lapwony omyero inen gin ma rwate pi ngolo pa latin acel acel ma leb munu wacu ni individual learning needs in ineni latini eni moo kombedi ayub ire ngo wek en onong pwonye ma rwate ki luwotgi tye ka pwonye kwede. Man ayer kit ma calo aneno kwede onyo acuk cwiny lupwonye.

**Glades:** Apwoyo dok odocu welo wa mi awora Francis pi tam ma in imiyo mabecubecu bot lupwonye, lunyodo ki lumii cik atamo bene ni ka gubedo kawinyo pwonye eni onyo bene ka gumede kiwinyo pwonye eni ci obikonyo gi mada. Angeyo ni tye lunyodo mukene gipenye kikengi Lubanga pi ngo an pi ngo ibolo latin eni bota kit ma welo mi aworo owaco kedeni ni goro eni nyo ngolo eni wan bene pi walego bino abina kene ento bene wabed bene ki cwiny ma Lubanga omini wa wabed ki cwiny maro lutino wa kit ma gin kinwalogi kwede pien tye jo mukene ma kinwalogi kwede anywala ki lutino mukene ginongo ngolo iwi dito tye jo mukene bene ginongo macalo accident ci wabed kikare me jolo lutino wa kita gitye kwede, ki bene amiti ni apwo welo wa me aworo odojo pi lok man en oloko ikom lupwonye, lupwonye wun onge bene ni wun wutye lunyodo mia aryo pa lutino enini lutino eni ki kelo i cikul iicingwu lanyodo tye lapwony mia acel, wun lupwonye otye lunyodo mia aryo ci bene obed ki kare me konyo lutino eni ki cwiny wu weng kit ma welo wa mi awora owacu ni wami pwonye ma konyo latin acel acel nyo ma rwate ki latin acel acel ma nongo leb munu wacu ni individualised support kony ma in imiyo ki latin acel acel wek en obed ki kare mi kwan marom aroma ki luwotegi wek anyime obed maleng, welo wa mi awora aneno wai itye gi gin manok ma imito medone, ajoli eno.

**Francis:** Apwoyo matek, en iyele ma wan watye yele ilok kom pwonye maribu dano ducu ni kono olo too wabedo ki kare mi nongo nyegi maber inge weko lutino eni guceti igang kwan ma acel amito wacuni ka latin ma tye ka kwo ki ngolo tye igang kwan, obino igang kwan omyero obedo dong igang kwan kenyu otyek kwan menu gin acel mapire tek ci wan wa rweyo dano kikelo lutino matye kakwo ki ngolo mapol igangi kwan ma an atemo miyo labole ento mukene bene omyero kikelgi wek gunong pwonye kidong wanongo bene adugi maber ni wa lok ki lupwonye ki lunyodo mi neno ni gin gukel lok me cam igang kwan, ka latin tye ka cam igang kwan tutwale dong ka latin matye ka kwo ki ngolo tye ka cam igang kwan weko en nongoni gang kwan kara tye kabedo maber, gang kwan kara tye kama gen an aromo nongo iyer wek an amede ki kwan anyim, kidong wanongo bene ni ka inen lutino matye ki ngolo tye ki jami maromo konyogi ki wot kit macalo nakanen an awaco macalo wheelchair gi, odoo makonyogi gi ki wot ki dongo maraya onyo bene jo ma tye ki peko mi del kom ma kilwongo ni Albinism eni kimingi moo magi wiro ikomgi wek okony gi gubed igang kwan dong jami agini ka inen lutino ma wamiyo itgi gitye ki kare mi wot me bino igang kwan, donyo iot kwan kidong winyo agonye igang kwan kakenyu, man aye gin ma an atamo ni amed manok.

**Glades:** Apwoyo matek, imedo jami mabecu becu makwako kom lutini wa matye ki ngolo mapadi padi. An apwoyo matek, apwoyo luwiny wa bene atamoni obilubu gin ma welo wa mi awororani obedo kawacune, ki jo ma mio cik bene lega watyeni ojone opar bene pi lutino matye ki ngolo igangi kwan ma ki gedo bene kong bene wiwu opor bene mi keto kawot pa joni maber wek bene gin kagi woto bene gu nong kuc pien pol kare ka iceto igangi kwan inongo gweng gweny tye kaweng yoo petye atir tutwale pi jo mawoto ki odoo onyo mawoto ki white cane enini jo ma wangi pe neno piny maberni no tek teke bedo tye botgi pien yoo no petye maber yoo pe pwot. An apwoyo matek welo wa mi awora, apwoyo bene winyo lwongo wa enini me binoni wan macalo dul me Backup Uganda pol kare wawacuni lutino weng romo pwonye. An apwoyo matek.

**Agikki:** Wapwoyo winyo Lutino weng romo Pwonye. i romo nywak tami kwed-wa, i romo ribbe facebook ki bene i romo cwalo lapeny mo keken ma i tye kwede i namba cim matye **0772630078**. I mito ngeyo matut i kom dul me Backup Uganda wek i bed ki ngec i kom jami



**Gulu, Uganda / Zwolle, The Netherlands**

**E-mail:** [info@backupuganda.org](mailto:info@backupuganda.org)

**Web:** [www.backupuganda.org](http://www.backupuganda.org)

**Tel: UG** +256 7 72630078

**NL** +31 38 4604615

---

matimei romo nongo i wang website [www.backupuganda.org](http://www.backupuganda.org) onyo i facebook, instagram, Twitter kacel ki LinkedIn.